


韻
譚





原件短缺

温懿彙集羣書博於鄴架



安惠披搜萬帙才擬建安而今

王敬一高視卓詣方軌齊軼間

嘗與賢士大夫分韻迭賡風人

墨士散嗔結社類詩數百篇題

曰韻譚夫譚之叶而為韻也林

各宴遊則發而為山水清遠之
音朝饗侍從則發而為金玉和
鳴之響邊塞征伐則發而為笳
鼓激亢之聲閨閫幽閒則發而
為琴瑟鏗鏘之致至於王侯崇
奉光寵榮藉徽祥隕祉則調適

於溫柔敦厚之旨妙合於性情
道化之間鼓望天倪和鳴幽籟
聽松風而謾々合林響以于々
如撞萬石之鐘擊雷霆之鼓感
物悟靈鏤神會景合之為三奏
四上之調六莖九成之曲高張

急微不能為和蓋其衷情不以
圭笏為柴柵不以名譽為羈韉
明心清迥似鶴鳴九皋逸嚮徹
天而聽者自遠則

敬一賢王之有是著述也其足
以仰副金櫃石室之藏耀熠祖

禴簫韶牟

熙明昌熾之運哉昔人有言漢無
騷唐無選宋無律而

昭代無有之得是編而舒紳緩佩
鳴玉以步振揚我

明之風韻其猶鍾山之璞泗濱之

石累璫璧不為盈採浮磬不為
索洋之天國之風也歌於澧蘭
幾為郢人之絕唱矣 省
萬曆歲在己未陽月之吉

賜進士第嘉議大夫奉

勅巡撫山東等處地方提督軍務

兼理營田都察院右副都御史
前提督湖廣通省學政黎陽王
在晉頓首揆

韻譚題詞

仲尼氏有言曰飽食終日無所
用心難矣哉不有博奕者乎為
之猶賢乎已夫癖奕者飲食寢
處俱廢而以心應手故題奕者
曰手譚余不肖叨藩澧水席先

世之餘沐太平之澤守株素餐
誠無所用心也且賦性魯鈍即
奕之為數亦不能解斯有愧於
聖人之言矣所幸諸縉紳先生
暨諸隱君子謬垂枉重樞趨揖
讓之外揮塵啣杯溫之詢誨敢

不勉對至若即席口占或郵筒
柬問或便面卷帙惠聲詩以代
寒暄者又不敢以不能自外汗
顏酬畲類美斧斤於般倅之間
更荷不鄙夷而教無已自是不
肖之心用而學詩於諸縉紳先

生暨諸隱君子會則促膝而就
敲推別則停雲而動想像暮雲
春樹重與論文斯所為譚亦不
易已自計選遘無繇而譚因以
踈也吟咏以寄而譚見為精也
不徒以面而領其精斯不逾於

尋常之譚乎茲於笥中得諸製
作彙而錄之有格調嚴整儼奉
莊語者有詞意瀟灑儼共諧笑
者有華袞而寓誘植者有揚摧
而示荃蹄者凡若干首咸付之
梓併以向所酬會者附之展讀

再四方幅間若馨歎親承而鑪
錘躬領是譚也而且有韻矣因
題曰韻譚要以寄其素餐無所
用之心以希終教於大君子云
萬曆戊午七月既望
華陽王敎一憑書於愛蓮居

韻譚卷之一

和畲巳酉至甲寅

天門至 憑伯初父著集

黎陽王在晉明初父訂閱

西吳施浚明仲宣父同次

瑞芝胡公撫黔道繇武陵却寄

幾載褰帷穗石城西南開府命崢嶸百蠻擁節
馴新化二酉遺函續舊盟望裏岷峨先震疊竭
來沅洞再澄清桃花萬樹紆旌旆翹首春霄斗
氣生

已酉春奉 命撫黔道經朗川乃承華陽
敬一長殿下以詩見贈依韻奉和

三楚精華萃澧城肇開朱邸勢崢嶸分茅久
擅蘭江勝剪葉還開劍閣盟試覩橋高同梓
實猶如玉潤與水清武陵昔日經行處遙見
天門瑞藹生

金谿胡桂芳

賀瑞芝胡公自黔鎮晉南少司空

玉佩金龍開府崇九重今拜少司空具瞻撫綏

宣文化更喜平成績禹功根本由來推建業勲
華原自屬明公倘因肯縱雲霄日棠芾蘭香是
澧中

撫黔四載叨轉南京工部右侍郎又承華
陽敬一長殿下以詩見贈依韻言謝

開府黔巫節鉞崇 聖恩簡擢二司空三苗
梗化臣宣力一札疏榮帝念功自有剪圭稱
夾輔詎將執戟擬三公陪京襟帶東南勝澧
水遙遙在望中

胡桂芳

初冬王玄亭憲長過澧喜賦柬之

駁歷頻煩經濟才揚旌江漢楚天開兩岐自昔
徵南郡三尺于今肅臬臺明月正隨琴鶴度甘
棠喜接世誼來邵陵斲爾留雄鎮指日調元屬
鼎台

過澧辱華陽敬一長君惠詩途中寄謝

帝胄皆隆準君家有鳳毛青藜分問寢斑管
盛揮毫傾蓋情何渥吹笙調總高涪陽芳艸

路回首使人勞

臨潼王志遠

仍和玄亭來韻

蚤飲朝陽譽重來識羽毛仁風新露冕雅意重
揮毫霜凜湘渾碧雲開岳麓高涪陽三萬戶廿
載舊先勞

端陽承屠外祖留飲用董別駕韻賦謝

佳節忻逢梅雨收蘭江新湧細波流遙看競渡
如飛鷁閒數平沙集落鷗漫問桃源尋舊隱原

來蒲醴設層樓主人情意知珍重玉任山頽與
更留

午日有感次長君用寄董別駕韻偶成

天上春濃肺腑收古譚砥柱峙中流吹噓變
化湖中蜃宿食飛鳴沙上鷗正好新蒲酬午
節詎知寸木尚岑樓百年相去十三載獨喜
王孫心上留

武陵八十七壽屠秉乾

奉謝華陽長殿下招飲遇仙樓

層樓徙倚問崆同欲覓仙踪艸已叢對月放
歌聞過鶴看雲揮手送飛鴻汨羅江上無漁
父勾漏山中有葛公樂善懸知高構意堦前
玉樹自菁蔥

蘭谿章尚學

春日登遇仙樓候外祖至兼懷節使章
懷愚公時羽衣送酒用壁間韻

遇仙樓上望行仙得月亭中憶昔年人世已經
來與去江干依舊水含烟金龜正擬投帘舍玉

醴俄傳出洞天最。是凭高能攬勝何妨。風雨暗
前川。樓中獨酌靜中看。煙鎖青山水接天。鬧市遊人
何驟爾。清江釣叟自悠然。仙踪欲覓成今古。佳
韻思賡愧後先。虛敞八窓霄漢近。天殺那識個
中玄。

夏日同李無學孝廉閔囊宇吳玉山山人
繼樂宗社集飲小齋邀月限催字
愛蓮初結社座上暑相偎。載酒無論斗題詩愧

乏才蟬殼依柳住。螢影逐簾來。有意邀明月何
妨玉漏催。

詩酒情方發銅龍何意催。觚稜隨影過海島徹
明來興適忘虛座神怡入楚臺。陽春白雪句端
的許君裁。

夏日雅集愛蓮館邀月得月限催字

華燕開東府龍涎喫。八垓旅懷詩已遣。遲月
酒相催遊子三生幸。儲君七步才梁園今授
簡應不厭頻來。

有月何遲出城頭擊柝催暝烟飛玉宇星斗
燦瑤堦自愧三都左誰憐七發枚酒酣還耳
熱東望漸生皚

夏日奉酬安昌翁詩
山人閑學騫

夜分同待月杯酒漫相催蛩語鳴堦細螢燈
入戶來寒光遲采石霽色動瑤臺授簡渾無
暑應憑白雪才

我來邀月飲暮色暗城隈不淺池亭興無當
斗酒才一尊懸榻久千里故人來金谷誰甘

罰銀蟾莫浪催

社下李懋學

授簡梁園夜逢迎意增哉爲邀天上月重覆
掌中杯引領清輝近依稀曙色開婆婆娑始高
興玉漏太相催

暑夜宴瑤臺論詩待月來元王當日醴太白
舊時才林鳥微聲度岑樓倒景開清涼已侵
骨白雪不須裁

山人吳楚

蓮館張清讌。雄風暑自摧。飛觴遲月到。搦管
借詩催。客子能工賦。嫦娥解愛才。疎雲微斷
處。東壁喜遙開。
一輪翻海出。光蚤射空來。漸暎屏間燭。旋添
座上杯。江澄傳玉笛。思迥賦瑤臺。亦有憑虛
意。凌風未可裁。

社臣宣雜

九月十八日 國主携登長君層臺權飲

賦謝

重陽二九又登臺。樂事王家日幾迴。紫氣遶
關隨。駕過黃花送酒。借更催人。連霄漢。輕裘
冷。歌入松杉。宿鳥猜。未得掛冠。心不了。且將
權咲。傍蓬萊。

九月望八日拜父王集飲諸同社晚登小
臺承濂東佳什見投賦畲

移尊乘興躡層臺。共道重陽去復回。入眼偏耽
山色遠。看花不計酒杯催。風流落帽君先得。汗

漫携囊我自猜浮白應知情緒豈怡神更喜助
斑萊

七夕書寄諸同社詩題會

年年七月七瓜果拜雙星此夕逢佳會秋光冷
畫屏歡娛饒色咲愁病苦形神巧拙渾無計寥
寥數過螢

七夕鼎荅

良夕供行樂銀河指渡星畫樓飛玉笋繡女
倚金屏獨有悲秋客誰憐憔悴形兒童痴向

笑小扇撲流螢

吳篋

楊承軒山人過訪賦贈

考槃聞勝阿泉隈爲采幽蘭入澧來璀璨新詩
推雅調循良舊蹟誦雄才少微星耀車公渚郢
上春回范老臺人聖化只今霑隱逸還看金馬
有書裁

冬日雅集楊承軒山人卽席分韻得原字
小齋蕭索愧平原雅集盤桓冬自暄詞賦已知

陽共轉詼諧。尤其是玉同溫。看花邀月偏宜會。覓
句開懷莫計樽。聞說明朝車馬動。何妨今夕下
陳蕃

上蓮屈主人

憶昔投交帝子居。翩翩風雅夢思餘。一尊意
氣傾元醴。三策才情愧仲舒。詩報瑤瑤音獨
占門填珠履。席頻虛兔園。此日天葩爛。肯許
班荆解褐裾。

上祝小詩題菊茂千秋卷

瀛海籌添不計年。華陽別是一壺天。蓮分大
乙香。浮座菊茂千秋花。滿筵朱履金章詞賦
客。銀潢玉牒鳳麟編。微庸莫漫歌虞舜。已頌
才名邁謫仙。

山人楊錫

仲冬朔受壬子曆志喜

司天頒朔重黃麻。典渥親親首萬家。聖壽五
旬嵩祝始龍飛。四十紀同加恩霑草木。情思動
春到江城物欲華。海宇共知占樂歲。披忠金鑑

更先誇

奉和仲冬朔受壬子曆來韻

天王春事重桑麻鳳曆先頒帝子家玉牒恩
光歌定爾老人甲子喜重加時迎長至陽方
復遙看前星夜正華欲識無彊綿 聖算來
年此日閏堪誇

懷念蓮居錄呈

探奇直上華陽洞叢桂池蓮遶砌依譚轉瑤
璫玄屑落詩成珠玉彩毫飛一樽醴酒融春

色滿室蘭香襲布衣自是兔園能授簡長卿
際會古來稀

楊錫

寄和楊山人

扁舟一去湖中遠山上白雲何所依醉月半宵
招兔飲入雲雙鳥看鳧飛甕邊舞鶴還窺席滿
路淄塵不點衣聞道年來風月興玄亭曾說故
人稀

寄題楊承軒竹亭

聞說金陂上比鄰得此君
檀欒依玉潤櫛蠹動
龍文朱字緘青管
玄經護綠雲何當九畹畔共
爾歲寒分

奉和仲冬受曆志喜韻

久從洛社附蓬麻
甲子渾忘處士家
鳳曆匆驚正朔至
鶴籌又向仲冬加
踟躕帝胄歌天保
憔悴漁翁感歲華
聖壽無疆纔四紀
東

平詞賦郢人誇

山人辱知末由報
塞所祈願者祚胤昨偶

遇數學盛稱螽斯麟
趾不減周南山
人不勝雀躍擊壤謳
歌預鳴善慶

百代專城天祿申
遲遲似續更爲珍
將開龍種光鴻烈
先遣神書報鳳娠
孟氏養心惟寡欲
周文昌後本施仁
劇知立國存忠孝
孔釋同來送石麟

山人彭世顯

讀竹亭諸詩有懷彭國禎賦此柬之

此君有高致蕭森豈易攀
倚倚淇水上藿藿渭

川灣我心誠好之移來傍小山積翠已成塢清
涼超人寰晨夕不知倦凝碧表其顏旣而諸君
子翩翩來往還投壺或散帙倚醉稱閑閑對看
兩不厭箇箇情相關我益久盤礴淨雅倍領略
隱几嗒然眠境界何巨廓淅瀝遶徑風倏忽飄
餘籜醒我發雙瞳正襟且錯愕林外有咨嗟問
之憂格澤龜圻遍郊原熒煌慘如灼我聞頓惻
然散誕轉誠恪赫香露丹衷祈天療焦涸僉謂
天居高天杓未可叨况占礎未潤那復蟬聲號

五體空投地四望徒爲勞寸心畢精白皇皇如
煩騷時值日亭午雷殷風颼颼雖有雨香至竟
無涓滴耗湏臾西北間列缺飛金翽潑墨雲忽
到中雷瀉鳴濤桔槔一時靖早魃潛虐影呼童
看竹林琳瑯滴清冷夜半雨漸收微見銀漢耿
社友送酒勞詡之得帝請何敢貪天工良亦徼
厚幸若我懷伊人風節竹與併相逢比早霖可
憫調饑恹幾年歌東門相望越一井方信蒹葭
思宛然發深省

奉謝賢王殿下凝碧軒賜柬

寄謝臨軒竹主人意蓄長構軒防鳥集擬待
鳳雛翔邸第初開館延賓綠沼傍愛蓮二十
載移念凝碧坊匪借平安報琢磨淇澳章藉
君凜勁節招致君子行所望在賡酬還期燕
飲常林深媿嵇阮徑寂想求羊欲樂山公醉
習池有葛疆老狂淇園竹龍鍾不可當寥寥
宮墻外沾被雨露光策杖期相見慙無葛陂
笈如椽有突筆揮洒寄瀟湘

彭世顯

立春志喜柬費伯鴻太守

玉律傳新籥青陽競物華臘殘催炮竹春早醉
梅花歲有謳歌沸民懽簫鼓譁太平真有象珍
重興無涯

晨見農祥日陽和動地來霈膏車帶雨祛弊案
驚雷賣劍龔黃俗揮毫鮑謝才余慚春艸句賦
就乞猷推

元夜讌華陽藩邸兼酬長君見贈立春之

作次韻二首

東帝司春令南藩慶歲華燈毬籠寶炬火樹
綻銀花淑氣宮庭藹懽聲里巷譁清光今夜
共樂意浩無涯
令德克嗣美原從居養來文光欲射斗義氣
直奔雷白雪郢人曲蘭江屈子才古今同一
調千載共相推

關中費逵

壽費伯鴻太守

太華仙人蒞灃時蓮開十丈勝瑤池竚看鶴袖
當筵舞遙聽鸞簫隔岸吹時雨乍添棠樹綠薰
風吹動石榴枝良辰五五同稱祝瑞應明良五
百期

題采蓮稱祝卷壽費伯鴻

仙吏宣堯治循良雨漢雄隨車沾好雨飛隼颺
清風蓮植千秋碧桃蟠五月紅應知還壽國廊
廟久需公

初度華陽長君贈采蓮卷賦謝用韻

憐余腐朽質何幸辱詞雄披卷欽高致題詩
拜下風花疑十丈種色是萬年紅好作傳家
寶終身佩上公

喜雨四首柬費伯鴻

旱孽馳終伏經威又一秋紅塵遮白面熟畝變
荒坵喘息林中鳥懸崖江上舟蒼天寧不顧一
滴解時愁造物工何極蘓生頃刻中雲飛山氣合風過火

龍窮艸木騰懽色黔黎醒困瞳此宵沾澍沛萬
物振元蒙

靜聽窓前雨聲聲若撫情蓮竿敲好韻蛩緒動
新鳴撮土甌深澤燃藜紀太平農家應有望編
戶免呼庚

仁政碑群口傾誠感二王

彭關二山雲
興雨致故云謳歌頻

載巷短句便搜腸已得黃金雨行看白玉章伊
誰歸太守不有託時良

喜雨四首和長君韻

江鄉常苦雨何事曠經秋赤日行天際黃埃
蔽野坵道傍多暍馬水次半灘舟田子荷鋤
立嗷嗷中夜愁

忝竊職司牧應憐塗炭中親民責任重享帝
悃誠窮向日頻稽首望雲不轉瞳欲傾河漢
水一洗世間蒙

數窮勢必變天道本無情旱魃肯當滅水禽
亦自鳴忽聞甘澍降喜見田疇平嗟此偶然
事無須問甲庚

華邸嚴儲訓風流曹魏王五湖懸繡口萬卷
貯詩腸雨後新裁句雪中寡和章貪天余未
敢捧讀媿循良

費逵

午節東費伯鴻二首

江上懽聲動鼓吹龍舟競勝度芳時一陰轉出
蒲初節五馬行經麥兩岐入座薰風飄逸興捲
簾山色供詩思兕觥正欲爲君壽暫把縷縷托
綵絲

鉅郡須資卓異才使君元化自胚胎天中羲御
輝南陸澧上商霖勝九垓四野翠連彭阜色一
江清蘸范公臺辟兵漫說靈符用爭似于今保
障哉

費郡侯集飲月臺譚永平程公大有襟懷
值吹簫者予強再弄戲賦

爲憐臺上景已識月中人念舊情何遠揮毫意
更親不知絃播趣偏愛竹吹新相憶今宵夢神
飛應幾巡

籬菊拙稿寄伯鴻客座次辱來什并關中
佳筭用韻柬謝

相識重封侯金蘭契此州一天湛雨露五馬盡
驂騮叢桂貽詩筭籬花送酒舟懸知凌灝景極
浦沸歌謳

逃禪鎮日兀齋居社雅殷勤怯意疎聞到放歌
秋水上黃花爲我寄封書

登高可羨君家事領袖相投意自如笑把芙蓉
渾不醉歸來猶去理琴書

春風遺我九秋開滿日琳瑯意暢哉信是任拋
桃李去還教有意擲瓊來

侍宴步費伯鴻韻

小春天氣兼初霽好景須知此際開綠醕無妨
巾再漉黃花不待鼓頻催雕蟲愧我遲釘餽繡
鳳多君任剪裁見說計偕將北上尊前先已意
徘徊

和費伯鴻十月菊題

風雨媿重陽黃花意自傷倦開酬靖節留艷待

長房籬下招新月枝頭傲曉霜新篋醅可漉折
辦泛霞觴

因憶客歲中秋之會不覺歲餘賦此

去年臺上月此日逕邊花雅興知同亮風流可
勝嘉尋常對杯酒容易隔天涯未惜詩腸醉吟
餘意轉賒

送費伯鴻郡侯述職北上二十八韻

三楚循良政何人第一籌名賢張陝服閑閱簡
宸旒鸚薦金天表龍蟠玉井修乘時和鼎器涉

世濟川舟司理先畿輔稱平首詠謳庭前閒夏
楚筆底著春秋北海思召伯東方迓細侯睠茲
湯沐邑還借股肱遊膏澤汪漉茹芳聲偉太浮
天回霖在手星照福當頭禾黍千村秀絃歌四
境稠慈祥新治化瀟灑舊風流看竹吹笙處題
詩洗墨陬省耕曾稅駕占瑞幾憑樓刻簡高騰
最銓衡雅遇優潁川徵召近薊野會同哀輯瑞
倡諸邑揚旌發置郵霜清如砥路風擁似帆旂
句自郢中得情從闕下投閭閻懽舊惠廊廟藉

新猷嘉節真堪羨仙踪莫與儔有人瞻斗氣偏
我頌弘庶刻燭俛依興登臺指顧眸百年奇際
會萬里黷離愁露冕誰能借攀轅未可留九魚
歌正切五馬轡初柔酒向長亭酌情隨大陸悠
遲君還撫綏負弩當前矛

走餞費伯鴻

蒞澧正看梅朝天梅正開梅前三度賞月下幾
番推分袂情何劇談心句復裁一枝聊以贈有
意待栽培

留別華陽長殿下兼酬贈言用韻

治郡云三載誰能展一籌常依玉樹畔共泛
采蓮舟蘭芷憐相契璫瑤故爾投幾回頻悵
望無計報綢繆

費逵

東朱廣文

紫陽道脉續千秋早有芳名溯水頭志在傳經
開後學德高重禮景前修匡廬桃李春曾渥澧
浦芝蘭契好投從此宮墻瞻氣色莫教只尺憶

岑樓

步韻請政

冷坐青氈已十秋顛毛種種漸蒙頭報君有
意圖忠孝造士無心計東修方愧樗材輒未
擲轉承睿藻玉先投華封此日無他祝麟趾
相輝花萼樓

仙居朱良翰

文昌閣諸茂才因避暑以詩為課贈之

文樓峻聳斗彌高風引詩人興轉豪澧水擁瀾

徵瑞蹟彭山標秀映青袍千鍾吸盡尋常事百
首吟成分外騷知是國風關政化而今芹泮有
重毛

恭和文昌閣課詩志喜韻

文樓百尺未稱高偉矣賢王詩興豪擲地金
聲壓元白縹囊佳句奪宮袍藩聲自古推鄱
桂文體于今重楚騷邇荷指南方領略何緣
又見鳳凰毛

謝華陽長君賜菊

世道趨炎若倒瀾獨蒙帝子念微官爲憐冷
署無他玩故把黃花特送看嫩蕊粧成秋色
艷香風吹透月光寒齋頭從此多紅紫何必
隨人種牡丹

朱良翰

書蘭浦春霖冊

夙有爲霖望隨車久擅名人天徵感應先後見
精誠石燕飛留社桐魚待主盟天瓢疑在握酒
潤釀昇平

從扇頭見方郡幕九日邀友飲別之作因
賦柬之

不羨崑崙漢使槎應知此地有瓊花香濃恰對
人如玉詩好偏宜酒泛霞四海壯遊君自喜一
株甘守我寧嗟大方自有風流客何復當年數
孟嘉

用前韻柬孫澹源州佐

共稱仙骨可浮槎曾發天門滿縣花清興似饒
剡曲雪高標儼對赤城霞蘇門瀟洒君還嘯澧

浦栖遲我自嗟欲把虔刀贈相識孫郎名自漢
時嘉

次王豐源別駕謁午門是日番使謝恩之
作

家世傳來舊鼎鐘洋洋淮水沛江東貞姿芝宇
推青鬢妙選蘭臺識紫封幾載燕雲吟詠遍一
麾楚甸撫綏同而今岳鎮多清暇習覩懷柔輦
路中

次王豐源遊西苑志喜韻

羨君當日侍蓬萊
眺覽曾隨禁苑開
樂奏九天鸞鳳度
泉長千尺斗牛回
露華眼看仙盤湛
雲彩身沾御座來
雅調已知揮白雪
可慙無句步芳埃

喜安鄉歲熟寄謝中吉明府

還定誼聳鴻鴈過
芄芄禾黍遍江沱
河陽不羨花爲縣
穎上寧傳麥有歌
乘屋苦捐翻擊壤
作舟才擬竚鳴珂
于今後樂君家事
清露朱絃午夜和

賀謝中吉昔琴堂落成適膺刻簡

胼胝年來治行勞
衙齋長是寄漁舸
一從捐廩甘冰蘖
快覩爲堂似壘纜
絃鼓杲愚風自爽
鳧飛簷霤影偏高
委蛇南面千秋日
循吏儀刑想像豪

雨霽登樓有懷馬瞻有司理因寄之

江雨新開江色青
憑高懷思渺滄溟
甘棠滿地疑春煦
岸芷迎人見德馨
肺石不鳴廷尉讞
口碑應共峴山銘
一從飛蓋巴陵道
何限雲霓望

洞庭

午日壽李斗初憲副

使節蘭皋樹鎮雄化機解阜鼓薰風試看午夜
長庚燦正膺清朝簡命隆派出伯陽源自遠嶽
生山甫事堪同壽民壽國真丹粒指日調元紫
禁中

送李斗初大叅移鎮辰沅四首

仙李聲華自七閩含香蚤歲侍楓宸度支經國
推衡石節鎮籌邊重撫循藜藿葉攢彭頂翠芝

蘭香結繡江春忽驚千騎東方至借寇無能獨
愴神

幾載天門作鎮勞兵農沐澤愔如膏褰帷絡繹
宣仁化輯玉馳驅覲 聖朝洞水風濤清渚澤

荆山嵐氣淨週遭陽春又向東南去棠樹陰濃
首重搔

蘭州方快使車旋又荷新綸出日邊三楚共推
喉舌地九重緣重腹心賢飛旌曉色搖桃洞畫
舫和風濟朗川安攘賴君鴻伐著還看節鉞繼

當年

曉踏江烟送去旌
曉蘭手摘侑離觥
正宜河朔消三伏
翻唱陽關第一聲
望裡仙蹤靈洞啟
到來德化瘴嵐清
應知霖雨思賢弼
赤舄還占返帝京

送胡存蓼憲副備兵蘄州

翩翩五馬摠如龍
夙駕駸駸鄂渚東
命簡九天分憲重
節弭萬里大江雄
建瓴快觀爲霖澤
砥柱還看濟世功
無限甘棠思不盡
寧誇峴石紀

羊公

幾年桑梓益春暘
正喜偎依倍有光
岳水鏡涵沾漑潤
荆山玉振佩琳瑯
末從借寇攀行轍
祇是思召感憩棠
向夕月明吟赤壁
不禁魂夢寄蒼茫

壬子元日東馮念雲太守治岳代賀

五馬東來湖水濱
褰帷露冕正逢春
堯天日色開三始
軒曆年華紀四旬
湖上雪消添潤澤
岳間雲擁護嶙峋
椒花滿酌無由共
望重台光轉

音註
卷之一
三
綠蘋

書蘓卓亭孤燕栖樓卷

海翁忘機鷗鳥伴先生入玄孤燕賓春捲半簾
巢仍舊秋經殘葉意猶親須知青鳥音傳母豈
是蒼鷹饑附人聞說樓頭仙景好那能縮地問
緣因

送蘓雲浦侍御巡按河東

乘驄聞向太行西紫氣凌空北斗齊繩準肅瞻
新豸繡絲綸名重舊鷄栖天寒玉辟霜盈堞雲

淨壺關月滿谿從此不禁長竚望相思百疊遶
烏啼

承華陽國君寄問近况因荅

晉陽將半載今日渡汾河白水明寒日輕風
織軟波涉人全體躒舟子半毛皤蕭瑟深秋
意長堤古柳多

蘓惟霖

蕭寺夜雨欲歸不果又不成寐因枕上口
占用謝永夜呈儲君吟壇郢正

夜聽芭蕉雨。偏驚客漏長。居諸輕代謝。衾影漫彷徨。人重千金諾。河難一葦航。梁園欣授簡。相與醉高陽。

胡應魁

和胡元龍蕭寺夜雨枕占韻

爲問招提相。招提日月長。禪關憑寂寞。客計奈徬徨。不惜菩提露。誰搖彼岸航。逝禪何處去。依舊問華陽。

僧舍阻雨不果歸再呈儲君

知君投轄意殷勤。長鋏何勞至夜分。橋柳翻飛湘浦路。心旌搖曳武溪雲。悲歌驪曲難成寐。歷亂鷄聲不忍聞。共道華庭多霽色。曉寒搔首夕陽曛。

胡應魁

和胡元龍僧舍阻雨韻

千里重來屬意勤。相逢無奈轉爲分。方看紫艷籬邊菊。又逐飄搖天外雲。把酒醅醞蛩語亂。題詩黯澹鴈聲聞。此行消息通漁父。望入花源日

欲曛

東蔡元履大叅

玉節南來萬象新，片時相見喜相親。
隨車有雨渾蘓物，傾蓋承風類飲醇。
春滿棠陰分小徑，香清蘭氣度全閩。
願將廊廟調元手，暫借敲推繡水濱。

小詩奉贈長殿下

觀橋拜後雅無慙，鄴下詞盟夢亦耽。
藜閣君應傳向業，竹林我欲就戎談。
陳詩久已聞三

百設醴何辭醉，二叅一自佩捐歌。
帝子至今蘭艸遍江南。

溫陵蔡復一

蔡元履大叅以詩扇頭見贈，用韻畲謝。

天祿青藜事已慙，光陰如駒復空耽。
朱絃玉軫逢高調，白雪陽春領劇談。
學海未同輕葦涉，詞林肯許菲才參。
公門不棄閒桃李，願借規模作指南。

重陽前一日寄蔡元履大叅代東

滿城風雨近重陽展卷微吟興轉長齋事未浮
村釀綠疎籬疑有菊含黃風姨索聽催花鼓霜
令應添曉起粧作賦明公明日事敢將佛供佐
飛觴
天
九節前坐雨敬一長君續潘句見贈次荅
時不見菊花因以爲訊

滿城風雨近重陽洲冷仙眠鶴夢長乍有濕
鴻分遠白可無欹菊傲疎黃騷人木葉應裁
賦神女朝雲欲洗粧蓮社攢眉彭澤事忍因

繡佛罷傳觴 君方齋居

滿城風雨近重陽砧杵數聲天水長昨夜霜
衣無限冷明朝露蕊爲誰黃川原臨節皆佳
氣楓荻迎人盡艷粧洗出小山清可掬還期
開咲一傳觴

蔡復一

壽蔡元履大叅

璿臺倚待蚤陽春盈耳崧高頌甫申爲喜誕賢
匡社稷正從宣化裕經綸籌添閩海傳南國圖

衍方壺紀北辰自此上台增氣色麻姑仙酒歲
還頻

長至後二日爲蔡元履憲長初度賦寄

濡筆題箋問起居怡容高處樂何如玄裳自舞
南衡鶴玉簡新披大酉書曲奏遠從三島集筵
開應共五雲舒慙余亦有封人祝緘向龍門雙
鯉魚

蘭浦晴雲逗郭開登臨神託鴈鴻來五谿明月
遙同看三楚甘棠喜遍栽接席經年違矩誨宴

桃兩度憶仙才陽生蚤報和羹信春到江南好
寄梅

寄別蔡元履東歸二首

江流擁繡濯叢蘭曾此分携強自寬信謂隻龍
終是合別從千里未爲難五谿明月頻相照二
酉青山遠共看劇想重來翻又去可能洒淚不
闌干

喜聞傳檄靖諸蠻保障功成指顧間壁壘旌旗
全改色雲山衣服共開顏已成方岳來旬命佇

陟中台曳履班何事尊鱸偏著思鴻儀千仞未
容攀

初至澧卽事一首書呈敬一嗣王殿下
輶車日日指澧陽匝月纔過使命鄉候吏爭
傳龍節近征夫真覺牡驅長 聖恩睦族隆
哀典宗子嚴親訂舊章祭後欲伸私薦禮燒
燈書祝問椒觴

甫至澧陽適當賤誕承敬一長君以先
溫懿王所書呂仙醉吟詩來壽賦以志謝

曾聞墮地說懸弧此日藩方意不孤國諱未
行歸賙禮賤生敢擬降申呼形觀自覺驂馳
瘁膽氣那從劍法粗珍重先王醉吟筆枕中
鴻寶詎云殊

遊敬一殿下園亭紀勝

君家亭榭枕城隈曲檻方壺處處開水畦一
灣乘舫去木奴千樹摘金迴牙籤璀璨明書
幌瑤艸芳菲遶砌臺擬作兔園堪授簡揮毫
端愧大夫才

梁溪賈允元

賈方堯大行奉命諭祭王考岢廢讀蓼莪未及酬和

華陽敬一殿下膺受封冊謹賦十四韻

寄賀

淮泗天潢遠岷嶓地脉長分桐周世子剖竹
漢諸王洵美宜君度懸符當壁祥德從潛邸
著名自廣居揚白雪荆襄富幽蘭澧澤芳恩
波流太液制語出明堂玉笈開雲夢金幢映
岳陽鳳雛知有種麟趾卜無疆憶昔乘槎日

曾趨授簡行梁園才敢附魯酒意難忘未展
璫瑤報仍來鴻寶章長裾疎再曳朱芾羨斯
皇河間冠裳雅陳思翰墨香願言多樂事億
載固宗祊

賈允元

壽賈母盧太夫人七袞

當年閨秀蚤占祥成福于今壽且康膝下鳳麟
為國瑞眼前慈孝紀旂常千秋宴起桃初實七
袞圖開筭轉長試向仙樓東騁望使星趨繞婺

星光

送別李寧宇四首

君到春初到春歸君亦歸斯民三代直吾道一時非鄴下風流舊梁園雪色霏斃東還北駕宣室有光輝

采蘭還折柳惜別更憐才卓魯風同競應劉價自推黃河行處合紫氣望中開和氏連城壁重看楚客才

漳水叢臺古頻聞勝事多詩人新有祀為謝茂

秦建祠

俠客舊傳歌劍舄翩翩度琴尊習習和翻為得意處寧許愜烟蘿

勗我先君思曾階隴上看松楸開野色屐履散春寒知遇原非偶分携轉見難慚無借寇力揮涕重闌干

余以臘至澧春暮歸羅浮承華陽賢殿下睿製錦幃冊箠寵贈優渥愧弗能悉和謹步韻二律用以留別

長亭今似昨短鋏去還歸漸覺陶潛是因知

伯玉非艸青和雨滑林翠雜春霏此去長江
練應令憶謝暉

名山鍾瑞氣緩步喜同看正坐春風暖翻歌
易水寒知君寧客隱愧我偶時難爲謝招叢
桂江鴻已漸干

首春承寵召徧遊瑋瑋諸勝步繼樂宗侯
韻似賢王殿下

路入瑋瑋似赤城五雲深處彩霞生曳裾喜
挹河間雅設醴還饒稷下情蓬徑共遊春富

貴異梅爭吐玉參橫憐余吏隱蘭堪佩好傍
名園聽曉鶯

李謐

送李寧宇太守轉趙史暫還粵東

花滿春城烟雨收離筵忽敞繡江頭車當夾鹿
才三月人是猶龍第一籌海上豈留宣室客膠
西終是漢亭侯獨憐攀借渾無計共對芳蘭思
轉悠

春日同李寧宇太守赴華陽儲君召飲瑋

瑀山次繼樂韻代啟謝

樓閣岩堯俯赤城。曳裾追步慰鯁生。雨收檻外花無淚。風入疎林竹有聲。下榻愧當孺子。下駕窺園那得廣川盟。幸逢授簡鄒枚列。共倚瑤琇聽鸞鶯。

莆田吳起閩

早渡洞庭一首

洞庭秋色自天開。曉棹淒風特地來。萬頃波濤芳樹杳。數聲笳鼓片帆催。雲迷碧嶂孤城

轉水合青天。兩岸迴欲借慈航。迓宦海不知何處是蓬萊。

輒萊夜宿華容自華容登舟有感二首

細雨微茫夜始收。征車空自憩樓頭。漁歌遠度青霄月。僧磬頻敲碧漢秋。別去青山惟有夢。醒來古驛漫生愁。從來楚客飄零甚。况復淒清旅鴈稠。

島嶼中流出孤帆。日夜浮浪翻河際。月風度海門。秋舟子迷津道。逢人問渡頭。夜來堪發

吟言
卷之二
三
笑天地一虛舟

島嶼中流出
南海郭鎮華

和郭還素別駕韻三首

秋湛重湖一鑑開
仙踪縹緲鑑中來
雙旌陸轉維騏擁
五兩風輕畫鷁催
政自憩棠稱卓異
人于露冕望紆迴
何緣倒屣逢迎處
三徑搖光遍艸萊

江浦瀟瀟暑乍收
細侯此日過齋頭
論文斗氣千尋壯
飛竿園林萬斛秋
明月海南原自媚
陽

春郢上迥消愁雅懷
賸有山陰興竹館
松亭意更稠

忽枉高軒過
鮓觥細細浮荷香
消賸暑桂氣釀
中秋探韻修篁裡
翻書短架頭
佩刀吾欲贈蚤
識濟川舟

秋日渡澧
聆教大詞盟
敬一殿下園亭
卽席

客舍西風生晚寒
對君如紉澧江蘭
香分月殿花爲塢
水自天潢玉作瀾
古洞入雲藏曲

折蒼松滴露鎖噴岫。墨池深處章千軸。引得
詩情坐夜闌。

楊師孔

丁巳至日楊魯源太史制闕北上枉過小

園對酌賦此

惜別頻驚歲重來。喜盍簪梅花舊相識。竹葉且
談心。大陸陽同蚤。東山望已深。况當移孝日。朝
野待爲霖。

席間敬一主人有贈依韻奉酬

一臥滄江杳思抽。金馬簪難難逢。聖主肝
星膽付知心。小草志未遠。梅花春已深。相看欣
舊雨。不是望爲霖。

楊師孔

席間承魯源揮酒佳什志喜

君趣耽山水。聯篇珠玉輝。神遊不到處。筆陣已
先飛。簷日穿肉。暖亭梅入座。馐片時談笑。裡把
袂。漫言歸。風塵京館人。謝奉文辭。深愧。

小作書呈敬一殿下盟壇郢可

小山臺榭倚城陰。北海清尊結興深。菊吐幽
芳來進酒。風飄涼籟入鳴琴。方塘飛閣疑蓬
島。高樹凌雲類上林。向夕頻移花下榻。好文
雅見古人心。

戴燥

秋日懷戴今梁學憲仍步原韻

江城瑟瑟閣秋陰。雲樹西南望轉深。方擬清
朝星曳履。何當荒服鶴隨琴。芷蘭香結徒勞
夢。桃李新栽應滿林。何日旌旄還過化。月池
尊酒共

譚心

李方麓同卿暫還仙里寄懷

聞道堂從綠野開。招邀時有白雲來。仙踪
躡結烟霞想。聖世寧忘社稷才。敷歷風猷
千古壯。峻嶒節槩一疏裁。東山好慰蒼生望。
紫氣今看接上台。

小詩步韻呈華陽新殿下

昨宵好夢笑顏開。忽報王公遣使來。林壑有
緣方避路。廟廊無分敢云才。護持國脉須公

等結社香山久自裁讀罷瑤緘如奉塵滿庭
瑞氣燭三台

李時華

題東山景仰冊贈李方麓

西山南去古梁州幾度停雲總綴旂占氣候人
憑汗漫傳書太史壯綢繆擁泉入滙澄方鑑抗
石成臺是壑舟安得羽翰同覽勝水光山色盪
雙眸。

燁矣勛名廿載間到來藜藿滿青山旋輶只擬

同休澣拊髀須知應賜環道德著經終濟世菊
松成徑且開顏小車花外當年事此日寧看凍
水閒

閒把芙蓉碧沼栽水雲紅白共徘徊花從玉井
分菡萏是西湖自胚胎羽扇招邀炎氣散碧
筒舒卷淨筵開慚余舊有蓮花社小構因君着
意培

龍門冠蓋日相過別業重開且軸適談咲自關
禽語樂標題爭識鳳毛多子雲墨氣凌蒼翠安

道清風颺薜蘿。揔我同心更同調。那能相倚聽
懸河。家豈盡日耽。戲限業重開。且肆。尚新。知。自。歸。
意。奉寄華陽敬翁老殿下

琉璃樓高映洛陽。宮璇扁新題掛碧穹。戀闕正
堪瞻瑞日。當襟喜自振雄風。何人授簡梁園
裏。從古書藏魯壑中。久挹吾王稱大雅。無由
縮地一登龍。

縹緲江關紫氣橫。王孫今日喜逢迎。龍章日
識天潢異。鴻烈新看上國成。九派雄風歸授
簡。一天湛露坐吹笙。只今海內看劉向。抗疏
還應重漢京。

宗弟念和淥

上華陽敬翁殿下

本來同派自天潢。爲重藩籬各一方。錦水東
流接澧浦。岷山西峙映魚梁。熒藜夜照經書
永。設醴時存道義長。豈獨河間專美事。儂家
世代有賢王。
帝子華陽自洞天。夔門東望楚雲連。千秋宗

音言
卷之一
社盟猶在萬里懿親夢亦懸久向梁園傳鳳
藻偶從繡水得魚牋惟餘故里巴人曲願得
因風獻醴筵

宗正承休

奉華陽國君睿札遠詢賦此啟謝
五雲東望日邊多隻鯉西傳問薜蘿楚國爭
傳新德頌蜀江猶被舊恩波瑤圖天寵光華
胄銀漢星搖動玉河景仰高風忘冕紱願傾
葵藿奏巴歌

蜀史母習吉

壽馬虞生太守

昔聞仙醉岳陽樓今日華筵接上頭河洛千年
鍾間氣薰風一派動歌謳城邊棠茂花如錦亭
上泉香酒似油 聖主久知公輔望洞庭行看
濟川舟

鄉丈劉長梧之任樵李卽席叙別時又八
月九日也

彩鷁蘭江行色催桂香遶席斲徘徊一年兩度

音言
卷之二
四
中秋月千里今宵故國杯望眼遙看湘水淨吟
襟應向越中開相思雖別人如玉行見光華燭
上台

又八月十四夜飲俞莘畝使君

使 皆候 天

邀月層臺敞清虛爽氣浮人間饒樂事天上補
中秋四美青尊裡隻星碧漢頭慙余荷盛典光
庇藉賢侯

又八月望日潘朗陵憲副取道澧蘭枉過

登臺看月卽席賦

佳節重逢事已奇客來况是遇相知九天恩錫
春噓瑄萬里雲消月入卮蘭桂有情偏作馥瓊
瑤莫報媿談詩清秋良晤情何極把酒凌高興
更宜

再柬潘朗陵

遙結椒蘭契已真盍簪何幸繡江濱千山明月
迎行旆兩箇中秋待至人粉署南宮推典禮憲
司東粵總行春夜來尊酒情難盡鷄黍猶期咫
尺親

梅隄留酌潘朗陵鄉丈口占

葭瑄啟初陽隄梅占早芳花開迎玉節瓣落泛
金觴領略歲寒意招搖淺淡粧還期薦佳實同
醉芷蘭傷葉日真盡香雨草燕

再京燕頤刻

更宜

蘇東坡詩
春和宿
自
...

書